

BAHLOMPHEGI, RE DUMA GO BONA JESU

 Tate wa Magodimong, re no lopolla nako bjale go fihla O etla. Tsošeletšo ye kgolo re ipshinnego ka yona ka go makatša, ye e swietšego go kgabaganya setšhaba le go dikologa lefase, go fihla mello ya tsošeletšo e tuka ka setšhabeng se sengwe le se sengwe ka tlase ga legodimo. Go dikologa lefase, ka nako ye, ke ditirelo tše kgolo tša phodišo di a kgatlampana, gohle go dikologa nako, le go dikologa lefase, di thomile mengwaga ye e sego mekiae ya go feta. E no ba batho ba bonolo ba ya ntle, ba dumela, gomme ba tlišitše tsošeletšo. Tate wa Legodimong, bjale re budutša ka ditoropongkgolo tša rena le go kgabaganya setšhaba sa rena. A go na le ba bangwe, Morena, bao ba sego ba be ba tsena ka gare gabjale? Ge go le bjalo, Modimo wa rena, re a rapela gore O tla ba romela. Ge go na le disoulo e ka ba dife ka Dallas, tše di lopollegago, efa, Morena, gore ka mokgwa wo mongwe, tsela ye nngwe, O tla di hwetša lebakeng la kopano ye.

² Ga re naganwe kudu magareng ga lefase, gomme re letela seo. Eupša ge Morena wa rena a tlie lefaseng, ga e šita le Yena ga se a ke a naganwa gabotse kudu. Eupša go be go le dimilione lefaseng ka nako yeo, eupša ba sego ba bakae feela ba Mo kwele. Eupša bohole ba ba bego ba beetšwe go Bophelo, ba Mo kwele. Ke a rapela, Modimo, ka go hlomoga, gore O tla fa, bosegong bjo le go kgabola kopano, bohole bao ba tlogetšwego ka Dallas ntle le Leswao la Modimo ka diphatleng tša bona, efa gore ba tla tla ka gare, ka letago ba tlatšwa ka Moya wo Mokgethwa.

³ Re rapela gore O tla fodiša balwetši bohole le batlaišegi go kgabolantle naga mo, ba ba nago le tumelo.

⁴ Šegofatša wa rena wa go hlomphega, yo monnyane, Ngwanešu Grant. Oo, go mmona a tiile kudu! Monna yo monnyane yola yo a rathagantšego go phelega ga gagwe fasefase, a eme ka methalong ya thapelo, ka go hlomoga ga go teba, gomme pelo ya ka e a mo kwela. Ke thabile kudu go bona, Morena, gore O mo šegofaditše ka bothakga kudu. Anke seatla sa Gago sa kgaogelo se be godimo ga gagwe, le bohole bao ba lego ka nageng ye bao ba Go ratago gomme ba letetše go Tla ga Gago.

⁵ Šegofatša Lentšu la Gago. Gomme, Tate, re a rapela gore Jesu Yenamong o tla tla go rena, ka go se—se sebopego se sebjalo sa kgonthe, tsela ya kgonthe bjalo gore go se be le yo motee wa rena a šitwago go Mmona, gomme anke bohole bao O ba beetšego go Bophelo ba Bo amoge. Anke bao ba babjago ba Mo amoge,

gomme anke ba fodišwe bakeng sa Mmušo wa Modimo. Leineng la Jesu Kriste re a e kgopela. Amene.

⁶ Bjale re leka go ntšha tirelo gare ga senyane le masometharo a senyane, ka baka la—la lešaba, le gore le kgone go tla morago gape gosasa bošego. Se sennyane feela se sefomale, bošegong bjo, ke nyaka go tsea Lengwalo le ke le badilego makga a mantši. Gomme le...

⁷ A go ne batho ka mo bao ba sego ba ke ba tsoge ba ba ka go ye nngwe ya dikopano? Phagamišang diatla tša lena, a re boneng. Oo, nna, ka go kgonega ke diphesente tše masomeseswai goba masomesenyane tša mo—tša moago, goba batho ka moagong, ba sego ba ke ba ba ka kopanong. Thabile go ba le lena lekga la mathomo.

⁸ Bjale, mang kapa mang o a tseba gore ga go motho yo a fodišago yo mongwe. Ebile ga go ngaka ye e kgonago go go fodiša. Phodišo ke ya Modimo. “Ke nna Morena Yo a fodišago mekomane ya lena yohle.” Ga go ngaka ye e tla go botšago gore o na le sehlare se se tla go fodišago. Ge a dira o go fa tsebo ya go fošagalā.

⁹ Gobane, Banešo ba Mayo, mo poledišanongnyakišio kgauswana... Ge yo monnyane Donny Morton yo a fodišitšwego ka Canada, baMayo bale ba ganne, ye e diregilego ka Lebopong la Bodikela. Le e bone ka go Reader’s Digest. Ba bile le nna godimo kua ka go poledišanonyakišo, gomme ba rile, “Ga re ipolele go ba bafodiši, Ngwanešu Branham, re no ipolela go thuša tlhago.”

¹⁰ Go ne Mofodiši yo motee, yoo ke Modimo. Modimo ke Yena a nnoši Yo a kgonago go aga disele, go dira bophelo, kagona ga e ka maatleng a motho go dira seo. Ngaka a ka kgon a go beakanya lerapo; goba a go fa sehlare go fa twatši mpholo, se a se beilego ka bontši ka go yona, le thibela go o thibela go go bolaya, gomme o bolaya twatši. A ka kgon a go dira seo. Eupša thišu ye e kgeigilego, goba lerapo le le robegilego, aphentise yeo e ntšitšwe, aphentike, a ka se kgone go fodiša yeo. Go tsea Modimo. Modimo o a fodiša. Motho a ka kgon a go tloša se sengwe se se e hlolago, ge go kgonega go šuthiša setho seo, a ka kgon a go se sega, a ripa ditšhika tša madi go goga seo, goba thišu yeo ntle, ye ke sele ya lebelete, boka sekutu, kankere, goba se sengwe. Ge a ka kgon a go se swara, a ka kgon a go tloša seo. Eupša go fodiša, a ka se kgone, o tla go botša seo.

¹¹ Gomme, bjale, phodišo ke ya Modimo a nnoši. Modimo a nnoši o re reketsē phodišo ya ren a. Go tswa go ren a go dira se sengwe le se sengwe seo re kgonago, ka bophelong bja ren a, le ka tseleng ye nngwe le ye nngwe ye Modimo a re filego yona, bakeng sa pholo ya ren a, eupša ke Modimo yo a fodišago. Ge Modimo a go bitša go ya Gae, bošegong bjo, ga go sehlare sa go lekanela ka lefaseng go go swara mo. Ga go selo se yago go go swara mo.

Gomme ge A go emišeditše go dula mo lefaseng, ga go kgathale ke bomatwetwe ba bantsi bjang ba rego o ya go tloga bošegong bjo, ga o tloge. Kafao tšohle di no ba go Modimo.

¹² Modimo ke Bophelo, Bophelo bjo Bosafelego. “Mathomong go be go le Modimo.” O be a se Modimo ka nako yeo, gobane *modimo*, lentšu la Seisimane *modimo*, le ra “selo sa go rapelwa,” gomme go be go se selo eupša Yena. O be a le Gosafelego, feela Yena wa Gosafelego. Go be go se ngwedi, go se dinaledi, go se Barongwa, go se selo. Eupša ka Sepheding se, se re se bitšago “Modimo Tate wa rena,” go be go le ditholanakgopololo. Ka go Yena go be go le tholanakgopololo go ba Tate, ka go Yena go be go le tholanakgopololo go ba Modimo, ka go Yena go be go le tholanakgopololo go ba Morwa, ka go Yena go be go le tholanakgopololo go ba Mopholosi, ka go Yena go be go le tholanakgopololo ya go ba Mofodiši, le dilo tšohle tše re di bonago bjale di no pealatša ditholanakgopololo tša Gagwe.

¹³ Bjale, ge o be o le ka monaganong wa Gagwe, mo mathomong, ge o na le Bophelo bjo Bosafelego, go ne sebolepego se tee feela sa Bophelo bjo Bosafelego. Bophelo bjo Bosafelego ga se nke bja ba le mathomo gomme ga bo ne bofelo. Kafao ge o ne Bophelo bjo Bosafelego, o be o le tholanakgopololo ya go nagana ga Modimo pele go be go ka ba eng eupša Yena.

¹⁴ Lebopo la gago, sebolepego sa gago, le se o lego sona bjale, e no ba nekethife, ge o etla godimo go e ka ba masomepedi, mengwaga ye masomepedi pedi bogolo. O be o le nekethife, gomme lehu le tšweleeditše seswantšho go ya go phosithife, “gore ge tabarenakele ye ya lefase e phušutšwe, re na le ye nngwe e setše e letile.” Le a bona?

¹⁵ Ye, e no ba pealatšo, bjale e bontšha se se dirilwego. Boka Modimo a bile Modimo ge A hlotše Barongwa. O bile Morwa ge A hlotše Jesu Kriste. O bile Mopholosi ge Jesu a be a ehwa. O ba Mofodiši ge “A gobaditšwe ka baka la dikarogo tša rena, ka megogoma ya Gagwe re fodišitšwe.” Le a bona?

¹⁶ Dilo tšohle tše ke ditholanakgopololo tša Modimo, feela bjalo gore bo-bo bofelong, Beibele e rile, Jesu o rile, “Le tla tseba gore Ke ka go Tate, Tate ka go Nna; Nna ka go lena, le lena ka go Nna.” Ke Modimo a etla go kgwathega. Mosadimogatša wa gago, wena le monnamogatša wa gago, e no ba moriti, nekethife ya Modimo le Mosadimogatša wa Gagwe, Kereke. Le a bona, e no ba tholanakgopololo ya Modimo e pealatšwa ka meriti le dikai, boka Testamente ya Kgale e bile go ye Mpsha. Le a bona? Ka gona bofelong, e a phuthologa yohle, Modimo o a kgwathega. Modimo ka go Kriste, o a kgwathega, o dirilwe nama, o dula magareng ga rena. Gomme ka go Mileniamo wo mogolo o tlago, Modimo ka lebopo la Kriste, o dula godimo ga terone ya Dafida; gomme Kereke, Monyalwa wa Gagwe, Monnamogatša le Mosadimogatša mmogo.

¹⁷ Gobaneng, ke kudukudu, e lekanetše go bea pelo ya modumedi e tuka; ka go diiri tše re phelago ka go tšona, ge dikholofelo tšohle le ditšhaba, le se sengwe le se sengwe gape, se šilagana godimo ga rena, ka tlase ga rena, re na le Mmušo. Re kolobeletšwe ka Mmušong wo.

¹⁸ Bjale re ya go tšeа Molaetša wo monnyane wo o mofomale, bosegong bjo, go tsebagatša se ke le nyakago le se bone ka dikopanong tše. Re bala ka go, ntshwareleng, ka go Mokgethwa Johane tema ya 12 gomme temana ya 20. Gomme kgwekgwe ya rena—ya rena, e sa ntše, go tloga mathomong, e boka e le bosegong bjo, le godimo ga dingwalwa tšohle tša rena le se sengwe le se sengwe, Bahebere 13:8, “Jesu Kriste wa go swana maabane, lehono, le neng le neng.”

Bjale go be go le Bagerike ba ba itšego magareng ga bona bao ba tlilego godimo go rapela monyanyeng:

Ba go swana kagona ba tlie go Filipi, e bego e le wa Betseida . . . gomme ba mo duma, ba re, Bahlomphegi, re duma go bona Jesu.

¹⁹ Bjale go ne potšišo ye re e botšišago bosegong bjo. Ge A swana maabane, lehono, le neng le neng, gomme Bagerike ba, Bantle, ba kgopetše go Mmona, gomme ba dumeletšwe go e dira ke yo mongwe wa bahlanka ba Gagwe, gomme ge A sa ntše a dutše a swana maabane, lehono, le neng le neng, gobaneng re ka se kgone go Mmona bosegong bjo? Le a bona? *Bahlomphegi, Re Duma Go Bona Jesu.*

²⁰ Bjale ke ne nnete, go modumedi e ka ba mang, e tla ba selo sa go tsikinya pelo ya gagwe kudukudu, tiišetšo ya tumelo ya gagwe, gore ge gabotse a ka kgona go bona le go tseba gore o be a eme ka Bogoneng bja Jesu Kriste. Ke a nagana e tla ba selo sa go makatša kudukudu seo—seo motho e ka ba mang, modumedi e ka ba mang, a ka kgonago go nagana ka sona; go tseba, le go tseba phosithife, gore o eme gabotse ka Bogoneng bja—bja Morena Jesu Kriste, Moahlodi wa potego wa gagwe, Molopolodi wa gagwe, gomme o tla ba Moahlodi wa gagwe mo Kahlolong.

²¹ Bjale potšišo ye e botšišitšwe. Bagerike ba ba tlilego thapelong, gomme mohlomongwe ba be ba le basokologi go tumelo ya Sejuda. Gomme ba be ba le godimo moketeng, kafao ba swanetše go be ba be le basokologi. Gomme ba kwele ka Jesu. “Tumelo e tla ka go kwa, gomme go kwa Lentšu la Modimo.”

²² Bjale, felotsoko ka Lengwalong, ntle le pelaelo ba kwele goba ba badile se Mesia a bego a tla ba boka sona. Kafao go tsebeng ge eba ba be ba ka kgona . . . Monna yo a tleleimago go ba Mesia, O be a swanetše go ba le ditholanakgopolo tše Mesia a bego a swanetše go ba le tšona.

²³ Bjale, go be go le ba bantši, go be go bile bomesia ba bantši ba maaka ba tsogilego, re a tseba ebile go bile yo mongwe a bitšwago Jesu yo a go tsoga feela pele ga Yena Motlotšwa. Mesia o be a le

motlotšwa, go rago “Kriste,” mo . . . mo—mo Monna a tloditšwe ka Moya wo Mokgethwa, bottlalo bja Modimo, e be e le Mesia, Modimo ka Mothong. Motho le Modimo ba bile batee, ge Modimo a tlide ka go Motho.

²⁴ Bjale, Bagerike ba ba be ba fišegela go tseba. Ba be ba kwele dilo tše kgolo ka Moisa yo Yo a dirilego dittleleimi tše, gomme ke ba duma bakeng sa taba ya go hlokokfala go lebelela ka gare godimo ga yona. Ke a nagana, ge bohole re ka dira bontši bja seo, re ka lebelela ka gare godimo ga se re kwago ka sona, le go se ahlola go ya ka Lentšu.

²⁵ Bjale, Modimo ga a tsoge a fetola tsela ya Gagwe ya go dira dilo. Ka mehla O dula a le tsela ya go swana. Bjale, ga A kgone go fetoga, gobane sephetho sa mathomo sa Modimo ke sa Gagwe; ka mehla o swanetše go dula le sephetho seo, ge A biletšwa go lefelotiragalo, boka lehono.

²⁶ Modimo o bileditšwe go lefelotiragalo ge sebe la mathomo se dirwa ka serapeng sa Edene, gomme O ile a swanelo go dira sephetho ka mo A bego a tla lopolla motho. Gomme O dirile sephetho sa Gagwe ka go mo lopolla ka Madi a tšholotšwego a Yo a se nago molato, gomme ga se A tsoge a se fetola. Re lekile go ba ruta, re agile ditora le ditoropokgolo, le dithutamodimo le dithuto, le—le kereke dikerekemaina, le go ba dira kerekeleina ka go tšona; gomme ga se ya tsoge ya šoma, gomme e ka se tsoge ya šoma. Modimo o phološa motho ka Madi a tšholotšwego a Mohlokamolato. Ga A tsoge a se fetola, ga go kgathale ka mo re naganago ka tsela ye kaone. Ke, seo ke sephetho sa Modimo.

²⁷ Gomme A ka se kgone go dira sephetho, selo setee lehono, gomme selo se sengwe gosasa. Ge A dira sephetho se tee, O phethagetše. Ga A swanele go ya morago ka sona. Ge Modimo a bolela a ke ba eng, se nnete ka Gosafelego, gobane Yena ke wa Gosafelego gomme Mantšu a Gagwe ke a Gosafelego.

²⁸ Modimo, go tsebeng bofelo go tloga mathomong, kagona O aroletše go lefase la Gagwe—Gagwe karolo ye e itšege ya Lentšu go moloko wo mongwe le wo mongwe ge ba etla go bapa. O rometše baprofeta ka Testamenteng ya Kgale, re a rutwa ka go Bahebere 1, “Modimo, dinakong tša kgale le ka mekgwa ya go fapano o boletše le botate, ka baprofeta; ka letšatšing le la mafelolo ka Morwa wa Gagwe, Kriste Jesu.” Bjale ge re ka hlahllofa Lengwalo leo gabotse ka kgonthe!

²⁹ Ge Jesu a be a le lefaseng gomme O rile o be a le Morwa wa Modimo, ba ile ba Mo ahlola. O rile, “Gobaneng le Nkahlola ge Ke re Ke nna Morwa wa Modimo, mola le bitša bao Lentšu le tlidego go bona ‘badimo?’” Abraham o be a tšewa go ba modimo, Eliya o be a le modimo, Jesaya o be a le modimo, gobane Lentšu la Modimo le tlide go bona. Gomme ba be ba le, ka karolo, badimo. Jesu o rile ba be ba le. O rile, “Le ba bitša ‘badimo.’”

³⁰ Bjale, le a bona, ge motho a be a tloditšwe, boka Josefa, o swantšhitše Kriste; ge Moshe a tloditšwe, o swantšhitše Kriste; ge Dafida a tloditšwe, o swantšhitše Kriste. Bohle ba iša godimo go Kriste, gomme O be a le botlalo bja Lentšu. Lentšu le be le dirilwe go bonagala ka go Yena. O be a le Yena Motlotšwa wa go felela. Ba bile le Lona ka diripa; re na le Lona ka diripa. O be a le Yena motlotšwa. Polane ka moka ya Modimo e be e letše ka go Yena. Polane ya Modimo pele ga motheo wa lefase, go lopolla lefase la go lahlega, e be e le ka go Yena. O be a le Lentšu, gomme O sa ntše a le Lentšu, “go swana maabane, lehono, le neng le neng.” Elelwang, O tlide go botate, ka baprofeta, a itira Yenamong go tsebja ka baprofeta; gomme ka gona ka go letšatši le la mafelelo, ka Morwa wa Gagwe, Jesu Kriste. O be a le Modimo a dirilwe go bonagala.

³¹ Hlokometlang, Lentšu ka mehla le tla go moprofeta. Modimo ga se nke a tsoge a šoma ka sehlopha sa batho. Ke motho ka motho A šomago ka yena. O šomile ka matšatšing a Noage, ka Noage. O šomile ka matšatšing a Moshe, ka Moshe. Šomile ka matšatšing a Eliya, ka Eliya, ka Elisa le Eliya. Ka Jesaya le baprofeta bale, ge ba tlide go theoga go kgabola lebaka.

³² Gomme ka gona ge A be a le mo, O bonagaditšwe ka botlalo; e sego ka go Bafarisei, Basadutsei, eupša ka go Jesu Kriste. O be a le Lentšu. Ke ka baka leo A kgonnego go bolela se A se boletšego. Tšeо ke ditatamente tšeо A kgonnego go di dira. Bjale, Bagerike ba ba tsebile se, le a bona.

³³ Go kgabola lebaka le lengwe le le lengwe, Modimo o aroletše bokaalo bja Lentšu, gomme dikereke di le dirile lohle go gakantšha, ka gona O romela moprofeta magareng ga bona gomme o hlatsela Lentšu leo. Go no swana le nako e ka ba efe, re bolela lehono le go re Mamethodist . . .

³⁴ Malutheran ba rile, “Ge o dumela, seo ke sohle o swanetšego go se dira; o lokafatšwa ka tumelo, dumela.” Ba bantši ba rile ba dumetše, gomme ga se ba ba le Lona. Re tseba seo.

³⁵ Go bapa go tlide Wesley ka se se bitšwago, “mošomo wa bobedi wa mogau,” tlhwekišo, “Bohle ba ba goeletšago, gomme ba hlwekišitšwe, ba Le hweditše.” Ba bantši ba goeleditše gomme ga se ba ba le Lona.

³⁶ Go bapa gwa tla Pentecostal, ba rile, “Bohle ba ba bolelago ka maleme, ba Le hweditše.” Ba bantši ba boletše ka maleme, gomme ga se ba ba le Lona.

³⁷ Go bapa go tla Christian Science, gomme e rile, “Ke lerato, kenywa ya Moya.” Ba bantši ba bona ba laetša kenywa ya Moya, gomme ga ba na le Lona.

³⁸ Bafarisei bale ba be ba ka kgona go laetša makga a lesome kenywa yeo Jesu a bego a ka kgona. A le be le tseba seo? Bjale go ka reng ge ke be nka tšeа, ka re . . . Gomme Modimo ntshwarele, eupša ke ya go tšeа lehlakore le lengwe, ke ya go re, “Go na

le Moisa mo ka Dallas, e no ba Moisa yo moswa o tabogetše godimo go tšwa fase mo, lefeeleng, godimo mo... mokhukhu wo monnyane tlase mo, yo a ipišago Moprefeta Yenamong, tlase mo Galelia. Šo Yena, o ya go rarela. Ke le gogile lena batho mmogo go le bontšha se e lego phošo. Monna yo o tteleima go ba Moprefeta.”

³⁹ “Bjale ke nyaka go le botšiša se sengwe. Ke mang a ithutilego go tloga bjaneng go ya godimo, eupša moprista wa lena wa go tšofala wa bomodimo? Ke mang yo a emego kgauswi le tatago le mmago, ge o be o tswalwa, eupša moprista wa lena wa go tšofala wa bomodimo? Ke mang a go tšeetšego godimo ka matsogong a bona, gomme a go bolotša le go gafela wena go Morena, letšatšing la seswai, eupša moprista wa lena wa go tšofala wa bomodimo? Ke mang a tlago go wena ge o babja le go hloka, eupša moprista wa lena wa go tšofala wa bomodimo? Ke mang a ithutilego le go itira sehlabelo, bophelo bjohle bja bona bja boswa, go ithuta melao yohle le dilo, eupša moprista wa lena wa go tšofala wa bomodimo? Moisa yo moswa yo o tšwa kae, Jesu yo wa Nasaretha? Ke sekolo sefe A se tsenego? Ke Yena wa mokgatlo ofe? Ke karata efe ya kopanelo A nago le yona? Ga e gona. Bjale selo se nnoši A se dirago ke go ahlola bao ba nago le yona. Moisa yo ke mang go le bjalo?”

⁴⁰ “Gomme lena borakgwebo! Jehofa o be a nyaka kwana bakeng sa sehlabelo, madi. Gomme moprista wa lena wa go tšofala wa bomodimo o dirile mašakana tsoko ntle kua. Lena baisa le babapatši, gomme le rekiša siliki le dilo, gomme o dirile lefelo ntle kua gore lena babapatši le kgone go e reka ka tšhelete ya lena, kwana go neela bakeng sa sebe sa lena. Moisa yo o dirile eng? O tlie godimo kua gomme o ragile go phekgora dilo tše; o ba lebeletše ka pefelo, a ba itia, a phekgora ditafola tša baananyi. A o ka bitša seo kenywa ya Moya? Aowa, o ka se ke, e bile go leka go go thibela go phološwa; madi a gago, madi ao Jehofa a a nyakago. Yoo e ka se be wa Jehofa!” Le bona kafao E tla kwagalago go se be kgonthe?

⁴¹ A baprista bale letšatši lela ga se ba, goba baprofeta bale, ge Josafate le Ahaba ba be ba dutše mmogo, gomme baprista ba go hlahlwa gabotse ba makgolonne, go tšwa sekolong, ba tlie godimo kua le go botša Ahaba le bona, “Naga yela ke ya gago. Ga se tshwanelo gore ba—ba Bafilisita ba tla tlatša dimpa tša bona ka korong ye e lego ya Israele. Modimo Ramaatlakamoka o re fa ye. Gomme O RIALO MORENA, eyang godimo!”

⁴² Eupša le a tseba, Josafate e be e le monna wa semoya, seo ga se sa kwagala feela gabotse. O rile, “Ga o na le yo motee gape yo o ka mmotšišago?”

⁴³ O rile, “Ke na le yo motee, eupša ke mo hloile.” Ya. Nnete. O rile, “Ka mehla o profeta bobe. O ahlola batho ba rena, ka go

se sengwe le se sengwe a se dirago. A ka se dumelane le bona ka moka.”

O rile, “Le se lese kgoši a bolela bjalo, eupša mo tlišeng ntle.”

⁴⁴ Gomme ge Mika yo monnyane morwa Jimila a etla pele, o bone pono. O bapeditše pono ya gagwe le Lentšu. Gomme ge a bone pono ya gagwe le Lentšu di be di le mmogo, o rile, “Eya godimo, eupša ke bone Israele e tšitlane boka dinku di se na modiši.” Le bona yo a bego a nepile? Gabotse ba be ba ne se sengwe, gomme naga yela e be e le ya bona, eupša e be e le ya bona ka fase ga mabaka.

⁴⁵ Gomme go bjalo ka Ditšhegofatšo, tša letšatši le la mafelelo, ke tša kereke ye, eupša ka fase ga mabaka. O swanetše go phethagatša mabaka ao. Ge o sa dire, o ka ba le mehuta yohle ya ditirelo tša phodišo, ditirelo tša go goletša, ditirelo tša go tumiša, ditirelo tša dikenywa, ditirelo tša go bolela ka maleme, gomme e ka se go direle botse le gatee. O swanetše go tla go lebaka la Modimo.

⁴⁶ Ke ka baka leo Bagerike ba ba bego ba duma go bona Monna yo. Ba tsebile ka Lentšung seo Mesia yo a bego a swanetše go ba sona, gomme ba be ba nyaka go Mmona. Ba be ba le Bantle. Ba be ba kwele ka Yena, gomme ba be ba nyaka go Mmona.

⁴⁷ Bjale, ge ba be ba nyaka go Mmona gomme ba filwe monyetla, ga le nagane gore mo ka Dallas, bošegong bjo, ge A boletše ka Lengwalong, “O a swana maabane, lehono, le neng le neng,” gomme re duma go Mmona, a ga le nagane gore O tla re fa go swana? Elelwang, ge A sa dire, gona Ga se go swana maabane, lehono, le neng le neng. Ke a dumela O a swana. Modimo ka go letšatši le la mafelelo o diretše batho dilo tša bothakga!

⁴⁸ E nkeletša bontši ka mosadi, mo e sego kgale go fetile, ka Louisville, Kentucky. O bile le mošemane yo monnyane a ka ba, oo, mengwaga ye mebedi goba ye meraro bogolo. Gomme moisa yo monnyane o bile le . . . o swanetše go be a be a golelwa ke bo—bo bothata bja monagano. Gomme o mo išitše ngakeng, gomme ngaka e mo alafile lebakana. Gomme o bonagetše a be a šorofala kudu, go yena. Eupša go ngaka, o rile, “Ke a dumela o kaonana.”

⁴⁹ Kafao o mo file teko ya leswao. O ile le yena ka kgwebong ya disente tše lesome, gomme o topile selo se sennyane seo se tla gogago šedi ya serathana se sennyane se, gomme ga—ga se a se lebelela. Gomme o ile khaontareng ye nngwe, gomme o topile se sengwe seo se ka gogago šedi ya gagwe, sethunya se sennyane sa go bapadiša goba se sengwe, gomme—gomme se ile sa se goge šedi ya gagwe. Gomme o dirile se sengwe le se sengwe se a bego a se tseba, gomme batho ba thoma go bogela mosadi ge a hlakahlakana. Ka gona o ya lefelong le le bilego le pe—pe pele ye nnyane ya go kwetenketša, gomme o topile yeo gomme a e šikinya, ka go hlakahlakana, pele ga mahlo a gagwe, gomme o rile, “Moratwa, lebelela!” Gomme moisa yo monnyane

o ile a no tsepelela ka lefaufaung. Gomme o ile a lahlela selo se sennyane lebatong, gomme a thoma go goelela. “Oo, aowa! Aowa,” a goelela.

⁵⁰ Gomme ba bangwe ba batho ka kgwebong ba ile go thuša, le go hwetša se e bego e le phošo. O rile, “Mošemane wa ka yo monnyane, ngaka o boletše gore o gabotse, eupša ga a gabotse. Eng kapa eng e lamegago go goga šedi, ya mošemane yo monnyane boka yoo, ga e mo goge. O no tsepelela ka lefaufaung.”

⁵¹ Ke a nagana ye e ne seemo se kereke ya ren a tsenago ka go sona. Modimo o šikintše mpho ye nngwe le ye nngwe A e tshepišitšego ka Beibeleng, pele ga ren a, eupša re sa ntše re tsepeletše ka lefaufaung, ge re lebeletše se sengwe gape. Go bonagala e le seemo sa semoya sa kereke, gore ba šitwa go bona iri ye re phelago ka go yona. Ba lebeletše maikutlo tsoko goba se sengwe seo . . . se sengwe kgole ka moso. Motho ka mehla o dira seo; ka mehla o šegofatša Modimo ka se A se dirilego, o lebeletše pele bakeng sa se A tla se dirago, gomme o hlokonomologa se A se dirago. Le šitwa go bona iri ye re phelago ka go yona!

⁵² Seo ke se Bagerike bale ba bego ba nyaka go se tseba, se iri e bego e le sona le se Mesia a bego a tla ba sona. Karolo ya Lengwalo ye e bego e dirwa go tsebja bakeng sa letšatši leo, ge Mesia yola a phethagaditše yeo, bjoo ke bohlatse! Lentšu le le hlatseshwego la iri ke bohlatse; e sego gore O be a swanetše go ba le dikenywa tša Moya, O be a swanetše go ba ra—ra ramolao ka dikgorongtsheko tša—tša toka, bakeng sa Gagwe, goba wo mongwe wa mekgatlo ya Bafarisei goba Basadutsei. O be a le ponagatšo ya Lentšu la Modimo le le tshepišitšwego la iri yeo.

⁵³ Le nyaka go bona se kenywa ya Moya e lego sona? Šetšang se Beibele e se tshepišago bakeng sa iri ye e itšego, ka gona Šetšang yeo go hlatselwa. Bjo ke bohlatse. Jesu o rile, “Puruputšang Mangwalo, gobane ka go Wona le nagana le ne Bophelo bjo Bosafelego, Wona ke Wona a pakago ka Nna. Seo ke se se netefatšago Ke nna Mang.”

⁵⁴ Re lebelela bjale, Lengwalo le tee pele re eya ka go se sengwe gape. Jesu o rile, ge A be a le mo lefaseng, ka go Puku ya Luka, gore, “Bjalo ka ge go bile ka matsatšing a Sodoma, go tla ba bjalo ka go tleng ga Morwa wa motho,” bjale hlokome lang, “gomme bjalo ka ge go bile ka matsatšing a Noage, pele ga meetsefula.” Bjale Jesu o be a bala Beibele ya go swana yeo wena le nna re e balago. Gomme dilo tšeō tšohle e be e le meriti. Bjale ge le nyaka go hwetša se se bego se le pele ga letšatši la Noage, eyang morago gomme le bale Genesi. O nno re, “Ba be ba eja, ba enwa, ba nyala, ba nyadišwa.”

⁵⁵ Eupša ge le ka hlokome la ya morago le go bala Genesi 6 gomme la hwetša fao se se diregilego, re bona morago ka kua, gore, “Ge barwa ba Modimo ba bone barwedi ba motho e le ba

babotse, ba itšeela basadi,” dikgorotsheko tša tlhalo. Barwa ba Modimo! “Monna wa go tsebalega,” monna wa leina le legolo.

⁵⁶ Lebelelang lehono, baofisiri ba rena—rena, ba monna yo mogolo wa lefase, boka morena yo mogolo yo ka Engelane kgauswana feela, kgatišobaka ya *Life* e rwele athekele ya yona, o hweditšwe le bommalepona ba, le go ya pele. Lebelelang mmusi wa rena wa New York, le dinaga tše dingwe tšohle tikologong, mo boitshwaronghlephi. Lebelelang tlhalo. Amerika e etapele ditšhaba ka tlhalo, lefase ka moka. Lebelelang basadi, ka fao ba aparago le go tšwela mokgotheng; le kafao motho, sona selo sa pele seo se naganwago go nyakile, lehono, ke se sengwe sa boitshwarohlephi. Boithabišo bjo bongwe le bjo bongwe, go disekerete, wisiki, e ka ba eng e tla bago, goba papadi tsoko ye nngwe, goba sengwe... se swanetše go ba le mosadi tsoko wa boitshwarohlephi ka go sona. “Bjalo ka ge go bile ka matšatšing a Noage!”

⁵⁷ Jesu o rile, “Gomme bjalo ka ge go bile ka matšatšing a Sodoma!” Elelwang, O tlogetše yeo e nnoši. A re swantšeng Sodoma. Go be go le magoro a mararo a batho lefaseng, ka mehla; ke badumedi, baitirabadumedi, le basedumele. Ba ka go seholpha se sengwe le se sengwe. Re tla bolela ka yona mohlomongwe bošego bjo bongwe, go kgabola beke. Eupša ka go nako yeo, go be go le mosedumele, Basodoma; go be go le moitiramodumedi, e bego e le Loto le seholpha sa gagwe; gomme go be go le mmiletšwantle le mokgethiwa, e bego e le Abraham, a bego a se ka Sodoma.

⁵⁸ Barongwa ba bararo ba tlide tlase feela pele ga ge morwa wa tshepišo a etla. Gore, Abraham o diiletše, gomme o be a lebeletše morwa wa tshepišo; gomme Loto o be a lebetše tshepišo yohle, gomme o ile ntle ka Sodoma; gomme Basodoma ga se nke ba mo dumela, sa pele. Eupša bjale hlokamelang, mosong wo mongwe wa go fiša, Diphedi tše tharo di tlide fase go tšwa Legodimong. Gomme ge ba etla godimo go Abraham, yo Motee wa bona o šetše le yena. Gomme ba babedi ba bona ba ile tlase ka Sodoma, go biletša ntle ba ba bego ba šetše ka Sodoma, Loto le bona ba ba ilego le yena, gomme O hweditše ba bararo feela; seswai ka matšatšing a Noage.

⁵⁹ Bjale seo ke setatamente sa go tia botse bakeng sa letšatši le le tlago, “bjalo ka ge go bile,” tharo le seswai.

Hlokamelang, go be go le yo Motee, go le bjalo, yo a bego a tlide go Abraham.

⁶⁰ Bjale yo a ilego tlase ka Sodoma, o... ba rerile tlase kua, ba babedi bale ba ilego kua, ba rerile le go ba botša gore nako e be e le kgauswana, lefase la Bantle le be le eya go tšhungwa. Bjale lebelelang seswantšho sa Sodoma go letšatši le; e sego Noage, meetse; eupša nako ye mollo, go senya lefase la Bantle.

⁶¹ Gomme badumedi ba therešo ba Bantle ba lebeletše Morwa wa tshepišo, Morwa wa Modimo, gomme re letile. Ga ba ka Sodoma. Ba bileditšwe ntle.

⁶² Sodoma e be e le moleloko yola wa kereke yo bolelo. Gomme go be go le boka Billy Graham wa sebjalebjale o ile tlase ka Sodoma, magareng ga dikerekemaina, Oral Roberts. Gomme ba ka kua ba rothotha, ka Ebangedi, ye e ba foufaditšego. Šetsang leswao le a le dirilego tlase kua, bale.

⁶³ Bjale lebelelang go Abraham, mokgethiwa, ka go sehlopha sa gagwe, yo Motee o šetše morago kua gomme o dirile leswao go bona.

⁶⁴ Le a tseba, ka go histori yohle ya lefase, histori yohle ya kereke, ga se gwa ke gwa tsoge gwa ba nako, moo mompshafatši e ka ba mang, goba monna e ka ba mang, yo a kilego a ba le bo—bo bodiredi bjo bogolo go Bantle, bao leina la bona le kilego la felela ka h-a-m, boka A-b-r-a-h-a-m, go fihla bjale. Yoo ke G-r-a-h-a-m, maletere a selelago. Abraham maletere a šupago. Maletere a selelago, G-r-a-h-a-m. Billy Graham, ratsošeletšo yo mogolo yo a lego tlase kua ka Sodoma, magareng ga dikerekete tšela tša dikerekeneina, a biletša ntle yo a ka kgonago. Re bile le Billy Sunday, Finny, Sankey, Moody, Knox, Calvin, go ya pele, eupša ga se nke G-r-a-h-a-m goba e ka ba mang a felelago ka h-a-m, ga se nke peleng. Go ne yo motee tlase kua go kereke ye fomale, ka Sodoma, o felela ka h-a-m, le rago, “tatago ditšhaba.”

⁶⁵ Ka gona go be go le yo Motee a šetše godimo kua le Abraham, Yo a bego a dutše le tente ya gagwe, magetla a šotologetše tente, gomme O rile, “Abraham,” e sego Abram, yo a bego a le matšatši a se makae pele ga fao. “Abraham, mosadimogatša wa gago o kae, Sarah?” S-a-r...r-a-h, e sego S-a-r-r-a, le a bona. “O kae mosadi wa gago, Sarah?”

A re, “O ka tenteng, ka morago ga Gago.”

⁶⁶ O rile, “Ke ya go go etela. Ke nna,” Nna, ke lešalamong, “ke ya go go etela go ya ka tshepišo ye Ke go fago.”

⁶⁷ Gomme Sarah, go beng mengwaga ye lekgolo bogolo, ka tenteng, o segile go yenamong, a bolela ka gare ga pelo ya gagwe, “Nka kgona bjang, ke tšofetše, ka ba le mantsikinyane gape le morena wa ka, le yena a tšofetše, Abraham, bjalo ka moswa, goba batho ba—ba bophelo bja thobalano bjo bo fedilego mengwaga ya go feta?” O be a le masomesenyane, gomme Abraham o be a le lekgolo. Rile, “Go ba le mantsikinyane le morena wa ka, yena a tšofetše, le yena?”

⁶⁸ Gomme Morongwa, Motseta yo a bego a le go kereke ya semoya, o hlathile se a bilego le sona, se a se boletše ka pelong ya gagwe. Gomme O rile, “Gobaneng Sarah a belaetše se, le a bona, a bolela ka pelong ya gagwe, ‘Dilo tše di ka se kgone go ba?’”

⁶⁹ Gomme Sarah o lekile go e gana. Eupša go beng gore o be a le karolo ya Abraham. . . Gosedumele ga gagwe go ka be go mo ahlotše, eupša Modimo ga se a kgona go mo tšea, gobane o be a le karolo ya Abraham. Kereke e ka be e ahlotšwe kgale go fetile, eupša ke karolo ya Kriste.

⁷⁰ Hlokamelang leswao le A le dirilego, a bolela se a bego a se dira, ka mokokotlo wa Gagwe o mo šotologetše. Jesu o rile seo se tla bušeletša, “ka matšatšing a go tla ga Morwa wa motho.” Re bona Billy Graham, re bona mollo o le komana go wa, kereke e lebeletše bakeng sa Morwa wa tshepišo. Gomme ke rena ba, se sengwe le se sengwe feela tlwa mothalong, se letile bakeng sa iri yela: Morwa wa tshepišo go. . . Gomme elelwang leswao la mafelelo leo Abraham a le bonego: A. . .

⁷¹ Gomme rena ba re tswetšwego ke Moya wa Kriste, re Peu ya Abraham ya bogoši. Jesu o tshepišitše gore Peu ya Abraham ya bogoši e tla bona leswao la go swana leo tatabo Abraham a le bonego, pele Morwa wa tshepišo a etla. Go be go se leswao le le lengwe gape. Abraham; ka pela Sarah o bile mme, gomme Isaka o fihlile. Leswao la mafelelo e bile Modimo a bonagatšwa ka nameng ya motho.

⁷² Bjale yo mongwe o rile go nna, o rile, “Ngwanešu Branham, ga o dumele yoo e be e le Modimo!”

⁷³ Gabotse, Abraham o rile E be e le. O Mmiditše “Elohim.” Gomme lebelelang gomme le bone ge e sa peletwe ka L ye kgolo. Bonang ge eba ka mathomong a setlogo ga e swane le ge e be e le, “Mathomong, Modimo o hlodile. . .” Elohim, “Yena molekanelagohole.”

⁷⁴ Modimo a iponagatša Yenamong ka Kerekeng ya Gagwe, magareng ga batho ba Gagwe. Jesu o rile. . . Mo e be e le Modimo a bonagatšwa ka go Monna, Jesu Kriste, “wa go swana maabane, lehono, le neng le neng.” Kereke e tlide go kgabola maswao ohle a mehuta. Gabotse, ka gona ge Modimo a šikinya leswao la mafelelo pele ga bona, ba tsepeletše ka lefaufaung. Modimo re gaoge! Ke nako ye kae gape ya mogau re nago le yona? Mohlomongwe thari go feta re naganago. Elelwang setsopolwa sa ka sa mathomo; batho ba tla ya pele thwi ba nagana ba a phološwa, go swana le Sodoma.

⁷⁵ Yena o be a le eng? Bagerike bale ba bone eng ka go Yena? Yena o be a le eng? E ka ba eng ba e bonego ka go Yena nako yeo, e ka ba eng ba bego ba e nyaka, ba swanetše go be ba e bone.

⁷⁶ Bjale lebelelang ka go Doiteronomio tema ya 18, temana ya 15 go ya go temana ya 20, Moshe. Modimo o boditše Moshe seo. Gomme Moshe o boditše batho, “Morena Modimo wa lena o tla tsoša Moprefeta wa go swana le nna. Go tla direga, gore yo a ka se Mo kwego o tla kgaolwa go tšwa magareng ga batho.” Modimo ga a tsoge a fetola polane ya Gagwe.

⁷⁷ Bjale Bagerike bale ba be ba lebeletše Moprefeta. Bjale, ba be ba hlokile moprofeta lebaka la mengwaga ye makgolonne, ge e sa le Maleaki. Eupša bona Bagerike ba tsebile gore Lentšu lela le tshepištšwego bakeng sa letšatši leo e swanetše go ba Moprefeta, “Morena Modimo wa lena o tla tsoša Moprefeta wa go swana le nna.”

⁷⁸ Gobane, Lentšu le tla feela go moprofeta, e sego go selo se sengwe eupša . . . Ke ba bakae ba kwešišago seo? [Phuthego e re, “Amene.”—Mor.] Le a bona? Lebelelang, e phethagetše kudu gore ge Johane a be a le moprofeta a eme ka meetseng, a kolobetša, gomme Jesu o tlie go yena ka meetseng, Lentšu le tlie go moprofeta. O be a le Lentšu, gomme O tlie go Johane ka meetseng. Modimo ga a tsoge a fetola tshepedišo ya Gagwe, ga A tsoge a fetola tsela ya Gagwe. Yena ke Modimo mosefetoge. Bjale, dikereke ga se tša dumela seo, le gatee, eupša seo ga se sa emiša lenaneo la Modimo. Le kgatlampane.

⁷⁹ Bjale, Petro, tatagwe e be e le Mofarisei. Ga go pelaelo, Andrea, e bego e le molatedi wa Johane, o kwele ge A tsebišwa.

⁸⁰ O rile, “Mesia šole, ke bona Seetša ka godimo ga Gagwe, boka leeba se etla godimo ga Gagwe,” o beile bohlatse. O rile, “Yo a mpoditšego ka lešokeng, ‘Eya o kolobetše ka meetse,’ o rile, ‘Godimo ga Yo o tla bonago Moya, Seetša sela, boka leeba se etla fase.’” Mohlomongwe e be e le Pilara ya Mollo ya go swana ye e latetšego bana ba Israele ka lešokeng, e etla godimo ga Gagwe, gobane e be e le Motlotšwa, Logos. E tlie godimo ga Gagwe, gomme o rile, “Ke bea bohlatse, yo ke Mesia!”

⁸¹ Kafao Petro o tlie le Andrea, kopanong.

⁸² A re hwetšeng se A bego a le sona. Gomme ge re hwetša se A bego a le sona, gona re tla tseba se A lego sona bjale. Gomme ka fao ba e lemogile nako yela, e swanetše go ba tsela ya go swana go e lemoga lehono, gobane O a swana maabane, lehono, le neng le neng. Bjale ka bokamorago bja tshepišo ya Gagwe, se ke se A tla se dirago. Hlokombelang.

⁸³ Bjale re a hwetša, gore ge Petro a etla godimo ka go batheeletši, moo Jesu a bego a le gona; Jesu, ga se a ke a tsoge a mmona pele, o retologile gomme a mo lebelela, gomme a re, “Leina la gago ke Simone, o morwa wa Jona.” Ga se feela gore O mo tsebile, eupša O tsebile le tatagwe wa mokgalabje wa bomodimo yo a mo rutilego. Gomme Petro, ntle le thuto ya go lekanelo go saena leina la gagwe, a bego a tšewa go ba monna wa go hloka tsebo le go se rutege, yo go kgahlilego Modimo go mo dira pišopo mo Jerusalema, gomme Jesu o mo fa dikgonyo go Mmušo, le go mo dira hlogo ya kereke. Monna yo, godimo ga kutollo ye e utollotšwego, go tsebeng se Mesia a bego a tla ba sona, o rile, o Mo lemogile bjalo ka Mesia, gomme o wetše maotong a Gagwe, gobane O dirile seo.

⁸⁴ Go be go le o motee a eme fale, ka leina la Filipi. E be e se ya swanela go dirwa go yena. Eupša o be a ne morutiši wa Beibele a bego a tseba gabotse ka kgonthe, ka leina la Nathaniele. Ge le ka maraka mafelo mo Jesu a bego a le gona nako yeo, e be e le dimaele tše lesometlhano go dikologa thaba, e ka ba matšatši a mabedi. Gomme Filipi o ya le go hwetša Nathaniele ka tlase ga mohlare, a rapela, gomme a mo tliša morago. Ntle le pelaelo, ge re be re ka kgona go šwahlela ka gare go poledišano ya bona, e eya go bapa, ba re, “Lebelela, etla, o bone Yo re mo hweditšego; Jesu wa Nasaretha, morwa wa Josefa.”

⁸⁵ O rile, “Bjale, a go ka ba le selo se itšego se sebotse go tšwa ka Nasaretha?”

⁸⁶ “Lebelela, o a elelwa, re badile ka Lengwalong, Mesia o swanetše go ba moprofeta.”

⁸⁷ “Oo, nnete, Beibele e boletše bjalo, Moshe. Re barutiwa ba gagwe. O rile Morena o tla tsoša Moprefeta wa go swana le yena.”

⁸⁸ “Go lokile, bjale, Jesu wa Nasaretha ke Moprefeta yoo. O elelwa radihlapi yola wa kgale, Simone, go dikologa kua?” “Ee.” “O—o be a le morwa wa Jona.” “Ee.” “O rekile dihlapi go tšwa go yena gatee, gomme o be a sa kgone go ngwala rasiti.” “Ee.”

⁸⁹ “O tlie godimo ka makgatheng a Gagwe, gomme O rile, ‘Leina la gago o Simone. O morwa wa Jona.’ Go ka se mmakatše ge A sa tsebe tšohle ka wena ge o etla.”

⁹⁰ Aa, Nathaniele o ile a swanela go bona se, kafao o tla godimo le Filipi. Ga ke thanke o tsene ka mothalong wa thapelo. A ka no ba a be a dutše ka batheeletšing, goba a eme ka batheeletšing, efe kapa efe e bilego. Jesu o be a rapelela balwetši.

⁹¹ Gomme ka pejana ge Jesu a beile mahlo godimo ga gagwe, O rile, “Bonang Moisraele yo go sego bomenetša ka go yena.” Bjale, Yena ga se a mo tseba ka tsela ye a bego a apere. Batho bohle ba Bohlabela ba apara go swana, ka dikhaflo le dimphašane, le—le diaparo tša go leuloga, ba ne maledu. O rile, “Bonang Moisraele yo go sego bomenetša ka go yena.” Bjale, a ka be a be a le Mohammedan, a ka be a be a le... a ka be a be a le Turk, a ka be a be a le e ka ba eng gape, eupša O tsebile bjang o be a le Moisraele gomme go be go se bomenetša ka go yena? Gomme e ile ya mo phohliša.

Gomme o rile, “Rabi, O ntsebile bjang?”

⁹² O rile, “Pele Filipi a go bitša, ge o be o le ka tlase ga mohlare, Ke go bone.” Yeo e be e le yona. Go be go lekane.

⁹³ E be e le fao. Mesia o be a le fao. O rile, “Wena o Kriste, Kgoši ya Israele.” Mohlomongwe modiša wa gagwe o be a eme fao, eupša ga se nke e mo tshwenya.

⁹⁴ Go be go le bao ba emego fao, ba rile, “Monna yo ke Beletsebubu.” Ba be ba swanetše go arabu go phuthego ya bona,

le a tseba. Ba rile, “Monna yo o dira seo ka maatla a diabolo. Yena ke mmolelelamahlatse goba se sengwe.”

⁹⁵ Jesu o rile, “Le Mpitša leo, leina le lebe; mediro ya Modimo, leina le lebe?” O rile, “Le bolela seo ka Morwa wa motho, Ke tla le lebalela. Eupša ge Moya wo Mokgethwa o etla,” lebakeng le, “go dira selo sa go swana, lentšu le tee kgahlanong le Wona le ka se tsoge le lebaletšwe ka lefaseng le, ga išita le ka lefaseng le le tlago.” Seo ke se A se boletšego. Ke a dumela se A se bolelago ke nnete.

⁹⁶ Filipi o lemogile, ka seo. Gobaneng? Go be go le seo, morago ga mengwaga ye metelete go se moprofeta, gomme fa Monna yo o mo tsebile, gomme o tsebile se e bego e le phošo, le se a bego a se dira.

⁹⁷ Jesu, (Ka pela bjale, pele re tswalela.), letšatši le lengwe, O be a eya go theogela Jeriko, e bego e le ka fase ga thaba. Eupša O bile le tlhoko go aparela Samaria, gomme O ila ka tsela go dikologa toropokgolo e bitšwago Sikara.

⁹⁸ Bjale go ne merafo ye meraro ya batho. Dumela se o se nyakago, eupša e gona. Ke Hama, Seme, le batho ba Jafete. Bjale hlokamelang, ge Bajuda, ba be ba lebeletše Mesia. Gomme Mosamaria e be e le seripa sa Mojuda le Montle, ba be ba lebeletše me—me Mesia. Eupša Montle, rena Anglo-Saxon, re be re le bahetene, Bafilisita le eng go fetiša, le a bona.

⁹⁹ Eupša hlokamelang, O tla feela go bao ba Mo lebeletšego. O tla fodiša feela, bošegong bjo, bao ba Mo lebeletšego go fodiša. O tla pholosa feela ba ba lebeletšego go pholoswa.

¹⁰⁰ Gomme Mo hlokameleng bjale ge A roma barutiwa ka go toropokgolo ye nnyane ya Sikara, go hwetša dijo tsoko—tsoko. Ge ba be ba sa ile, yo mobotse, mosadi yo moswa o tla ntle, gomme o be a le mosadi wa tumo ye mpe. Re ka mmitša, lehono, mohlomongwe sehlehalemokgotha. Batswadi ba gagwe ba ka no be ba mo lokollotše ntle ge a be a le mosetsana yo monnyane, gomme ke tsela yeo a bego a itirela bophelo, eupša go be go le se sengwe ka pelong ya mohumagadi yo monnyane. O tlie ka e ka ba ka iri ya lesomotee, gobane o be a ka se kgone go tla le methepana ka moka. Ge e ka ba mang a kile, mo, a ba ka India le dinaga tša Bohlabela, bjalo ka ge metlwae e sa tsoge ya fetoga, ga ba kgone go hlakana mmogo, batho ba maleba le ba go fošagala. Kafao ba . . .

¹⁰¹ O tla godimo, gomme Jesu o be a dutše fao. Ka go ponagalo ye nnyane ya se sengwe boka se, merara e mela godimo bomorago ga sediba. Gomme sediba sa bohole sa toropokgolo se be se le fao, gomme batho ba tla ntle go ga meetse. Gomme o tla e ka ba ka nako ya mosegare, go ga meetse a gagwe. Ge, methapana e etla pele mosong, go ga meetse, gomme bona godimo kua ba dira go hlatswa ga bona le dilo boka tše. Tsela ya gagwe ya go dira bophelo e be e le tsela ya go fapano. Kafao o tla tikologong ya

sekgalela, go ga a gagwe, ge methepana e se fao, gobane o be a ka rakwa sedibeng.

¹⁰² Gomme ge a, a sa lemoge go be go se yo a dutšego fao, o beile diakana tše nnyane godimo ga pitša gomme a e theošetša fase ka mokgoko, ka sedibeng, gomme a thoma go e gogela godimo. O kwele segalontšu se re, “Mosadi, Mphe seno.” Gomme o lebeletše godimo kua, gomme go be go le Monna a dutše fao, e bego e le Mojuda.

¹⁰³ O swanetše go be a be a lebega bogolwane gannyane go feta ka mo A bego a le ka kgonthé, gobane O no ba masometharo, e ka ba masometharo tharo, gomme Beibele e rile, “O be a lebega go ba masometlhano.” Le a tseba, Bajuda ba rile, “Wena o Monna yo a sego ka godimo ga masometlhano, gomme o re O ‘bone Abraham?’”

O rile, “Pele Abraham a be a ka ba gona, KE NNA.” Le a bona?

¹⁰⁴ Kafao maledu a Gagwe a swanetše go be a be a le a mapududu gannyane, goba se sengwe, ge a lebeletše. Gomme o Mo lebeletše. Mošomo wa Gagwe o swanetše go be o bile le seabe se segologolo godimo ga bophelo bja mmele bja Gagwe. Gomme o rile . . .

O rile, “Ntlišetše seno.”

¹⁰⁵ Gomme o rile, “Ga se setlwaedi bakeng sa lena Basam- . . . goba bakeng sa lena Bajuda go kgopela rena basadi ba Samaria potšio e bjalo.”

¹⁰⁶ Gomme O rile, “Eupša ge nkabe o tsebile Yo o bego o bolela le yena, o be o tla Nkgopela seno.”

¹⁰⁷ Bjale o rile, “Sediba se a sobeletša.” O be a dira eng? O be a kgokagana le moyá wa gagwe, le a bona. Tate . . .

¹⁰⁸ O rile, ka go Mokgethwa Johane 5:19, “Ruri, ruri, Ke re go wena, Morwa ga a kgone go dira selo ka Boyenamong, eupša se A bonago Tate a se dira.” Bjale elelwang seo. Beang seo fase dipukung tša lena, le a bona. Jesu ga se a tsoge a dira selo setee go fihla A bone ka pono a dire eng. Yeo ke nnete. E sego go *kwa*; “se Ke se *bonago*.” “Morwa ga a kgone go dira selo eupša se A bonago Tate a se dira, ka gona Morwa o dira ka mokgwa wo.” O e diragaditše ka mokgwa wa tiragatšo. Ga go motho a ka kgonago go dira e ka eng ntile le ka kgonthé eupša Modimo a mmotšago go dira. Bjale hlokamelang gomme Tate mohlomongwe o Mmoditše go ya godimo Samaria.

¹⁰⁹ Gomme ka gona mosadi yo o boletše le Yena. O rile, o tšwetše pele ka poledišano, go kgokagana le moyá wa gagwe. Gomme ka gona ge A be a bolela ka “go rapela mo ka Jerusalema,” selo sa pele le a tseba, O hweditše se bothata bja gagwe e bego e le bjona. Bohle re a tseba bo be bo le eng. O be a ne bannabagatša ba bantši

kudu. Gomme kafao O rile, “Sepela go tsea monnamogatša wa gago gomme le tle mo.”

Gomme o rile, “Ga—ga ke ne monnamogatša e ka ba ofe.”

¹¹⁰ O rile, “O boletše nnete, gobane o bile le ba bahlano, gomme yo o dulago le yena bjale ga se wa gago.”

¹¹¹ Gomme šetšang mosadi yo, hlokamelang, gomme yena ka go seemo sela. (A ke dula botelele kudu, botelele kudu?) Yena ka seemong sela, o tsebile bontši ka Beibebe ya kgonthe go feta ka mo seholpha se segolo sa bareri se dirago lehono. Gomme ka pejana ge A bona . . . A ka no ba a naganne e be e no ba mo—mo monna a mmona ka go seemo seo, gomme—gomme o be a nyaka go . . . nyaka go ba setswerere le yena goba se sengwe, gomme o rile, “Ga ke ne monnamogatša!”

¹¹² O rile, “O boletše nnete. O ne ba bahlano, gomme yo o dulago le yena bjale ga se wa gago.”

¹¹³ Ka pela peu yela ya go kgethelwapele e robetšego ka pelong ya gagwe e swere mollo. O retologile, o rile, “Mohlomphegi, ke a bona gore O moprofeta. Ga se ra ba le o tee lebaka la mengwaga ye makgolonne, O a tseba. Re a tseba.” Oo, Dallas, le se foše se! “Re a tseba. Re lebeletše Mesia, Yo a bitšwago Kriste. Gomme ge A etla, se ke se A yago go se dira. Le e tla ba leswao la Gagwe.”

Jesu o rile, “Ke nna Yena yo a bolelago le wena.”

¹¹⁴ Godimo ga seo, o lahlile pitšameetse ya gagwe, gomme o ile ka toropongkgolo, o rile, “Etlang, bonang Monna Yo a mpoditšego se ke se dirilego. A yo ga se yena Mesia?” Gomme Beibebe e boletše gore ba dumetše Jesu ka baka la se mosadi a se boletšego.

¹¹⁵ Bjale yeo ke tsela A itsebagaditšego Yenamong ka go beng Mesia; e sego ka tsela ye A bego a apere, ka thuto ya Gagwe, ka karata ya kopanelo, ka tlhompho ya Gagwe magareng ga motho. Modimo o be a le ka go Yena, a bonagatša Lentšu le A le tshepišitšego. O rile ka go Mokgethwa Johane 5:39, “Puruputšang Mangwalo, gobane ka go wona le nagana le na le Bophelo bjo Bosafelego. Ke wona a pakago, goba, a le botšago Ke nna Mang.”

¹¹⁶ “Go swana maabane, lehono, le neng le neng.” Ngwanešu wa ka, kgaetsedi ya ka, le batheeletši ba go ratega, o ka bolela bošego bjhohle. Le bona se Jesu a bego a le sona nako yeo? O be a bonagaditšwe, yoo e be e le Modimo a bonagaditšwe ka go Monna yo a bitšwago Jesu Kriste, e lego Morwa wa Modimo, a tshepiša, “Bjalo ka ge go bile ka matsatsing a Noage,” lefelotiragalo le lengwe le le lengwe le beilwe tlwa, “go tla ba bjalo ka go tleng ga Morwa wa motho.” “O a swana maabane, lehono, le neng le neng.” Oo, kereke, le se ke la tsepelela, eupša dumelang go Morena Jesu Kriste! *Bahlomphegi, Re Duma Go Bona Jesu.* Ge A swana maabane, lehono, le neng le neng, a o ka rata go Mmona?

“Bahlomphegi, re . . .” O ka Mo lebelela bjang? Ge A swana maabane, lehono, le neng le neng, O tla dira go swana.

¹¹⁷ Bjale, motho a ka kgona go tla godimo mo ka mabadi a dipikiri ka diatleng tša gagwe, madi le muši, le oli e kitima go tšwa go yena. Seo se ka se e dire. Moikaketši e ka ba mang a ka kgona go dira seo. Nnete.

¹¹⁸ Eupsa se e lego sona, ke ponagalo ya Lentšu le le tshepišitšwego. O be a le Moprefeta yo a tloditšwego wa Modimo. O be a le—O be a le Modimo Moprefeta. O be a le. Tšohle baprofeta ba bego ba le (Yena . . .), di be di le ka go Yena, hlakanya le ka moka se Modimo a bego a le sona. Modimo o be a le ka go Kriste a ipoelanya Yenamong go lefase. O be a le Modimo, Emanuele, bottlalo bja Modimo bo dirilwe go tsebja go rena, ka go Motho wa Morwa wa Gagwe Jesu Kriste, tholanakgopoloy a bobedi ya Modimo.

¹¹⁹ Hlokamelang, bjale, Yena o a phela lehono. Yena ga se a hwa. Yena o a phela. O rile, “Lebakana le lennyane, gomme lefase,” kosmos, “tshepedišo ya lefase e tla Mpona . . .” bona; s, e ba go menagana, “go se Mpone gape. Efela lena le tla Mpona, gobane Nna,” Nna ke lešalamong gape, “Ke tla ba le lena, ebile ka go lena, go ya bofelong bja lefase, goba bofelong bja lefase ge Lengwalo le le tla phethagatšwa.” Tsela yohle go theoga, e bile Modimo Yo re mo dumetšego ka go lebaka la Luther, Modimo Yo a goleditšego ka go—ka go lebaka la Wesley, Modimo Yo a boletšego ka maleme ka go lebaka la Pentecostal. O tla thwi go theoga pele Morwa wa tshepišo a etla, go netefatša Lengwalo la Gagwe. Lengwalo lohle le swanetše go phethagatšwa. *Bahlomphegi, Re Duma Go Bona Jesu.*

A re inamišeng dihlogo tša rena.

¹²⁰ Tate wa Legodimong, re duma go bona Jesu. Anke A tle bošegong bjo, Morena Jesu. Etla ka maatla a tsogo ya Gago. Ke botelele ke be ke bolela, eupša lentšu goba a mabedi feela go tšwa go Wena a tla ra bontši go feta ohle e ka ba mang a ka a bolelago, gomme ka gona a dira Kereke go se robale. Anke . . . ponagalo ya Modimo ya mafelelo, bjalo ka ge A tshepišitše, “Bjalo ka ge go bile ka matšatšing a Sodoma, pele mollo o be o ka wela Bantle, go tla ba bjalo ka mo go tleng ga Morwa wa motho.” Moriti, nekethife le phosithife di tla go batamelana mmogo, go fihla morago ga lebakana go tla ba nako ya go kopana.

¹²¹ Re bone ditšhaba di a kopana, di bitšwa U.N. Dikereke di a kopana, Khansele ya Mohlakanelwa e kopana le Vatican. Dikereke tšohle di kopana mmogo, badumedi le basedumele. Bašomi ba kopana ka go diyunione tša mošomo.

¹²² Morena, anke Kereke e phafoge gomme e bone nako ya kopano, gore Jesu o kopana le Kereke ya Gagwe, Monnamogatša le Mosadimogatša. Ka pejana mokete o tla direga gomme ba tla ba Batee. Ge A šikinya leswao la mafelelo go rena, goba a

re laetša tshepišo ya Gagwe, anke re bone Jesu gomme re Mo tagafatše, gobane ke Leineng la Gagwe re rapelago. Amene.

¹²³ Bjale ke ya go ba, mohlomongwe, ke na le metsotsotso ye lesome go tšwa ka nako, ge yo mongwe le yo mongwe a ka arabela. Bjale mang ka mang a nago le karata ya thapelo, nka se be le nako go fihla go tšona tšohle bošegong bjo. Re tla fihla go tšona, pele le pele.

¹²⁴ Bjale Billy o mo felotsoko, ke ne nnete. Dinako tše dingwe ebile ga ba fe dikarata tša thapelo, eupša ke a dumela o mpoditše o... Le ne dikarata tša thapelo, a ga le natšo? Phagamišetšang diatla tša lena godimo. Ya, yeo ke nnete, thapelo... [Ga go selo godimo ga theipi. Yo mongwe o re, "L, tee."—Mor.]

¹²⁵ L, L, go lokile. A ke monna yola a babjago, a babjago kudu, fao? Go lokile. L, nomoro tee, emela godimo mo. L, nomoro pedi, o mo kae? Nomoro pedi, nomoro pedi o kae? A o ka phagamiša seatla sa gago? Go lokile, etla godimo mo. Ke mohumagadi.

¹²⁶ Mošemane o tla tlase. Sese se se diregago. O tla tlase, gomme pele ga batheeletši, o tšeа dikarata tše gomme o di hlakanya tšohle mmogo, gomme morago o go fa karata bjalo ka ge o e nyaka. Mang kapa mang a ka ba le karata, gomme ka gona o bitša ka nomoro yeo. Seo se a bontšha mošemane ga a tsebe mo di yago go bitšwa gona. Nako ye nngwe re, ba bantši ba lena ba ka no elelwa, re bile le monna a rekiša dikarata tša thapelo ka kopanong, gomme seo se be se netefatša motho o be a tla ba sefaleng. Gomme ka ntle ga fao, dinako tše dingwe ke thoma ka tee, gomme dinako tše dingwe masometlhano, dinako tše dingwe ke thoma ka lesomenne, masomepedi, lesometshela, morago ke tla go ya morago gomme ke goge di se kae mo. Ke ba bakae ba bilego ka dikopanong gomme ba bone seo se dirwa? Gobaneng, nnete. Le a bona? Karata yela ya thapelo ga e ne selo go dira le yona. Gomme ba bantši ba a fodišwa fao bao ebile ba se nego karata ya thapelo.

¹²⁷ Nomoro tee, pedi, tharo. Ke mang a nago le tharo? Karata ya thapelo nomoro tharo, phagamišetša seatla sa gago godimo. Morago kua, mohumagadi. Etla godimo mo, mohumagadi. Nomoro nne. Ge o sa kgone go emeleta bjale, re tla go rwala. Nomoro nne. Ge bangwe... Ke a bona go ne mpetana mo le ditulo tša bogolofadi tše mmalwa di dutše tikologong. Ge o sa kgone go tla, re tla go rwala. Nomoro nne. Nomoro tlhano, karata thapelo nomoro tlhano. Nomoro tshela, šupa, seswai, senyane, lesome. Anke bao ba tle bjale, feela ka dinomoro, ge ba ka kgona. A re boneng. Tee, pedi, tharo, nne, tlhano, tshela, šupa, seswai, senyane. A bao ba natšo? Bao ba nago le yona. A re nong go ema thwi fao, nakwana feela. Re no ba re hloka nako gannyane. Ga ke tsoge ka rata go ntšhetša ntle go feta masometharo a senyane.

¹²⁸ Bjale, ke ba bakae ntle fao ba se nago karata ya thapelo, gomme o nyaka Jesu a go fodiša, gomme o a tseba A ka kgona go

go fodiša? Phagamiša seatla sa gago. Ga ke tshwenyege ge eba o ka bophagamong, kae kapa kae o lego. Bjale lebelela, ge o sa . . .

¹²⁹ Mosadi yola yo a kgwathilego seaparo . . . Ge ba sa ba lokologanya. Mosadi yola a kgwathilego seaparo sa Gagwe, o be a se ne karata ya thapelo e ka ba efe, mohlomongwe, eupša o rile . . . Bjale theetšang sekgauswi bjale. O boletše ka gare ga pelo ya gagwe, “Ke dumela Monna yola. Ge nka kgona go kgwatha seaparo sa Gagwe, ke tla thakgafatšwa.” O be a ne bothata bja madi. Ke ba bakae ba elelwago kanegelo? [Phuthego e re, “Amene.”—Mor.] O ngwegile go kgabola lešaba, mohlomongwe o abutše go dikologa gare ga bona, mosadi wa go babja yo mosehla yo monnyane, gomme o kgwathile seaparo sa Gagwe.

¹³⁰ Gomme seaparo sa Mapalestina se lekelela go lokaloka. O be a ka se tsoge a kwa yeo. Ke be nka se e kwe ge o be o ka kgwatha potla ya ka, gomme jase ya ka e ntekana go swinelela. Eupša diaparo tša Mopalestina, gomme ba na le seaparo sa ka fase. Gomme o kgwathile seaparo sa Gagwe.

¹³¹ Gomme O eme gomme a re, “Ke mang a Nkgwathilego?” O ile morago ntle ka go batheeletši. O rile . . .

¹³² “Gobaneng,” Petro o rile, “Morena, seo ga se kwale gabotse. Yo mongwe le yo mongwe o a Go kgwatha.”

¹³³ O rile, “Eupša Ke a bona Ke a fokola. Bokwala, maatla, a tšwele go Nna.” Ke ba bakae ba e elelwago? [Phuthego e re, “Amene.”—Mor.]

¹³⁴ Gomme O lebeletše gohle tikologong go kgabola batheeletši go fihla A mo hweditše. A ke nnete? [Phuthego e re, “Amene.”—Mor.] Gomme o rile, “Tumelo ya gago e go pholosítše.” A yeo ke nnete? [“Amene.”]

¹³⁵ Bjale lebelelang, badiredi, a Beibele e a bolela gore, “Jesu Kriste,” Bahebere 3, “ke Moprista Mogolo gonabjale yo a kgonago go kgwathwa ke maikutlo mafokodi a renat?” [Badiredi le phuthego ba re, “Amene.”—Mor.] Ke ba bakae ba tsebago Beibele e bolela seo? [“Amene.”] Gabotse, ge A swana maabane, lehono, le neng le neng, O tla dira bjang lehono? Bjalo ka ge A dirile maabane. Nnete.

¹³⁶ Bjale, wena, bona, go be go ka se dire botse go nkgwatha. Ke tla no ba boka ngwaneno, monnamogatša wa gago, tatago, eng kapa eng e bego e ka ba yona. Go be go ka se be bokwala ka go nna. Eupša ge wena, tumelo ya gago, e ka kgona go Mo kgwatha, gona Mo šetše a retologa. E no e leka. Se e leke; go ne go gontši kudu lehono, ga go leka. E dire!

¹³⁷ Bjale ebang tlhomphokgolo ka kgonthe, homolang. Bjale dinakwana feela di se kae di tla bolela. Dilo tše tše ke di boletšego, go kwagetše gabotse; eupša, le a bona, ke therešo goba aowa? Seo ke selo sa go latela. A sohle se . . .

¹³⁸ Ke kwa boMohammedan ba bolela, Sikhs, Jains, Buddha, oo, nna, Mohammedan, eupša ga ba kgone . . . Ba ka kgona go bolela ka se sengwe se se bilego, eupša go reng ka bjale? Le a bona? Ge A se . . .

¹³⁹ Ge A le Modimo wa histori, ga se A re lokela lehono, ge A le Modimo wa histori e nnoši. Ge A sa swane maabane, lehono, le neng le neng, gona Beibele e boletše se sengwe sa phošo.

¹⁴⁰ Bjale, ge A ka kgona go ntsenya ka go thato ya boineelo ya Gagwe, A ka kgona go go tsenya ka go thato ya Gagwe, ka gona a šoma gare ga ren, le a bona, moo ke mo Maatla a Modimo a tlago.

¹⁴¹ Bjale, ge monna yola a babja, ke mo nyaka a dule thwi moo a lego. Gomme bjale a le kgona go mmona go tšwa batheeletšing? O dutše thwi mo.

¹⁴² Tlišang setulo sa gagwe thwi godimo mo ge o nyaka go. Eupša a o ka kgona go ikwela go sepelela godimo mo, mohlomphegi? Go lokile e no tla thwi mo gomme o dule fase. Tliša setulo thwi mo, Ngwanešu Grant, ge o ka rata, gore monna a kgone go dula mo nakwana feela. Go lokile, bjale e no dula fase thwi fao, mohlomphegi.

¹⁴³ Ke be ke hlokometše monna lebaka la metsotso e sego mekae, a le kgauswi le go idibala. O swanetše go be a babja gošoro. Ga ke tsebe. Gomme ge ke be ke tseba gomme nka kgona go mo thuša, gomme ka se e dire, gona ga ka swanelo go ema ka morago ga sefala se mo le go bolela le lena batho, lena Bakriste.

¹⁴⁴ Eupša monna go molaleng ga se yo mogolo go swana le ge ke le. Gomme ye ke ya ren, . . . Go molaleng ga re tsebane seng sa ren. Ga o ntsebe, ke a nagana. [Ngwanešu o re, “Ee, ke a dira.”—Mor.] O a ntseba. Eupša ga ke go tsebe. [“Ke be ke le tirelong ka Jonesboro.”] Oo, o mpone ka Jonesboro, e ka ba mengwaga ye lesometlhano ya go feta, ge ke be ke le godimo kua ka kopanong. Ee, mohlomphegi. [“Ka nnete ke be ke le.”] Gabotse, e be e le nako ye kgolo godimo kua. Ke a dumela e be e le Ngwanešu Richard Reed. [“Ee, mohlomphegi.”] Uh-huh.

¹⁴⁵ Ge monna yo a dutšego mo a tlaišega, ge ke be nka kgona go mo fodiša gomme ka se e dire, ke be ke tla ba motho wa mohuta mang? Eupša ga ke kgone go mo fodiša. Eupša bjale ge re be re ka bona Jesu, gomme Jesu a be a eme mo a apere diaparo tše tša sutu yeo A mphilego yona, bjale Jesu o be a tla re, “Etla mo gomme Ke tla go fodiša”? Bjale hlokamelang, ge le tseba Beibele ya lena, le a bona. Aowa, mohlomphegi. O šetše a e dirile; O be a ka se kgone go e dira lehono. O šetše a e dirile, “O gobaditšwe bakeng sa dikarogo tša ren,” ka megogoma ya Gagwe re pholositišwe, “ka megogoma ya Gagwe re fodile,” a ke re. Go lokile. Bjale, eupša Jesu o be a tla kgona go ipolela Yenamong, go dira go tsebjia go monna yo se bothata bja gagwe e lego bjona, goba se sengwe

a se dirilego. A yeo ke nnete? [Phuthego e re, "Amene."—Mor.] Gomme seo se tla mo dira a tsebe gore Kriste o be a le mo.

¹⁴⁶ Gobane, ga ke mo tsebe. Diatla tša ka šidi godimo, ke... o rile o be a le ka kopanong ya Jonesnoro. Yeo e bile mengwaga ye lesometlhano ya go feta. Ga se nke—ga se ka tsoge ka bona monna ka bopelong bja ka, ka mo ke tsebago. A ka no ba a be a dutše morago, gosasa... Gabotse, ga ke tsebe e ka ba mang.

¹⁴⁷ Ke a dumela ke tseba Mna. Way a dutšego thwi mo. Moisimane a dutšego thwi mo yo ke mo tsebago, a ilego a wa a hwile ka kerekeng ya ka, letsatši le lengwe, ka Jeffersonille, Indiana; a wa a hwa. Mosadimogatša wa gagwe šole, mo felotsoko, yena ke mooki. Ge ke be ke sa bolela, monna o wele a hwile, o wetše thwi fao, a hwile. Ke ile fase gomme ke beile diatla godimo ga gagwe, šo o eme. Le a bona? Le a bona?

¹⁴⁸ Ge nka kgona go no dira phuthego e homole botelele go lekanelo go fihla Moya wo Mokgethwa o kgona go tla fase. Le se ke la thanthelwa. E nong go dula go iketla, le a bona.

¹⁴⁹ Bjale, mohlomphegi, ke go nyaka o lebelele godimo ka tsela ye, motsotso feela. Ke be ke bolela, gomme ke—ke mo go go thuša bjale. Gomme ge nka kgona go go thuša, ke tla dira se sengwe le se sengwe ke kgonago.

¹⁵⁰ Bjale se ke se boletšego mo ka Lengwalong, Modimo o a tlamega, gobane ke a dumela a ke matšatši a mafelelo; Modimo o tlamega go—go phethagatša Lentšu leo, gomme ke seo A tshepišitšego go se dira. Gomme ge A ka kgona go mpotša se sengwe o se dirilego, goba e ka ba eng; se sengwe se fošagetše ka wena, goba e ka ba eng e lego sona, o tla tseba ge eba seo ke therešo goba aowa. O—o—o tla hlatsela seo.

¹⁵¹ Eupša ge ke etla godimo mo gomme ke beile diatla godimo ga gago, ka re, "Letago go Modimo, o fodile! Letago go Modimo." Seo se tla loka, seo se lokile ka phethagalo, ge o se dumela.

¹⁵² Eupša go ka reng ge A mpotša se o se dirilego, goba sehlodi tsoko, lebaka le o babjago, goba sengwe boka seo? Gona o tla tseba, ge A ka kgona go go botša se e bego e le sona, O tla tseba ka nnete se—se se tla bago, e tla ba nnete. Ee, mohlomphegi.

¹⁵³ A le dumela seo, batheeletši? [Phuthego e re, "Amene."—Mor.] Bjale ke dira eng go monna? Ke leka go kgokagana le moyo wa gagwe, feela bjalo ka ge Morena wa rena a dirile sedibeng go mosadi. Ga ke mo tsebe. Ga se nke ka tsoge ka mmona. Bjale go ne ba bantši ka mo, ba a babja, ba bantši ba a rapela.

¹⁵⁴ Gomme bjale, Tate wa Legodimong, re tšea moyo wo mongwe le wo mongwe ka mo ka tlase ga... Ke laola, bakeng sa letago la Modimo, gore Mangwalo a Gago a ke a phethagatšwe. Beibele e rile ke ka baka leo Jesu a fodišitšego, "Gore Mangwalo a ke a phethagatšwe." Gomme leo ke lebaka leo O laetšago mogau ka matšatšing a mafelelo, "gore Mangwalo a ke a phethagatšwe."

Re sa tšo bolela ka Wona, bošegong bjo. E fe, Morena, ka go la Jesu Leina. Amene.

¹⁵⁵ Bjale lebelela go nna, nakwana feela, go no bona ge eba Morena o tla nkutollela se bothata bja gago bo lego sona. Gomme ge A ka dira, a o tla . . . ge A mpotša bothata ba gago ke eng. O lebega o ka re o babja kudu. Ge A ka mpotša se e lego phošo ka wena, goba se sengwe, gona o tla dumela, o a tseba e swanetše go ba Yena.

¹⁵⁶ Ke ba bakae ka batheeletšing ba tla dumelago? [Phuthego e re, "Amene."—Mor.]

¹⁵⁷ Selo se tee, ke, o tlaišega kudukudu ka, go tsupoga ga setho. Go tsupoga goo ga setho go a go babjiša. Yeo ke nnete. Le a bona? Le a bona? Bjale a yeo ke nnete? Phagamišetša seatla sa gago godimo, ge yeo e le nnete.

¹⁵⁸ Seo ke se se mmabjišago, le a bona, tlase. A le a dumela? [Phuthego e re, "Amene."—Mor.]

¹⁵⁹ Selo se sengwe sese. O na le lengalatsepa ka lehlakoreng le letona la sefahlego sa gago. O tshwenyega ka leo. Anke ke go botše se sengwe gape. A o ntumela go ba moprofeta wa Gagwe? [Ngwanešu o re, "Ee, mohlomphegi."—Mor.] O na le lengalatsepa godimo ga kgwele ya gago ya le letona, gape, ka fase ga diaparo tša gago. Ge seo e le therešo, emišetša seatla sa gago godimo. ["Yeo ke nnete."] Le a bona? Le a bona? Bjale a o a dumela? ["Ke a dumela."] Sepela gomme o fole. Jesu Kriste o a go fodiša. Sepela, e dumele. Se belaele, le gannyane, mohlomphegi. E no tla ka tsela ye, etla godimo mo, ngwanešu. E no sepela o dumela, bjale, gomme se sengwe le se sengwe se tla go lokela.

¹⁶⁰ Le a dumela bjale? [Phuthego e re, "Amene."—Mor.] E no ba le tumelo. Go lokile. Seo, le a tseba ke be ke sa se tsebe.

¹⁶¹ Mo, etla, kgaetšedi. Ga ke go tsebe. Re basetsebane seng sa rena, ke a nagana. Ge yeo e le nnete . . . gore batheeletši ba kgone go bona gore re basetsebane, o a bona. Ge . . . Se e no ba go swana le moo Morena wa rena a kopanego le mosadi letšatši le lengwe. Gomme mo re kopana gape, re kopana morago ga mengwaga ye dikete tše pedi godimo ga tshepišo ya Gagwe, gomme monna le mosadi šeba ba kopana ka tsela ya go swana. Ga se nke ka tsoge ka go bona ka bophelong bja ka. Ke a thanka re basetsebane go felela, eupša Modimo o re tseba bobedi.

¹⁶² Bjale ge Moya wo Mokgethwa, Kriste ka mo le ka go wena, a ka utolla se o se emetšego mo, goba se sengwe ka wena, a o tla ikwela mafolofolo boka mosadi yola a dirile letšatši lela? [Kgaetšedi o re, "Amene."—Mor.] Se o lego mo bakeng sa sona ke thapelo, gomme thapelo ke bakeng sa seemo ka letswele la gago. Yeo ke nnete. Ge e le therešo, phagamišetša seatla sa gago godimo. Bjale o a dumela Modimo a ka kgona go mpotša ke letswele lefe? Ke letswele la le letona. Yeo ke nnete.

¹⁶³ Batho ba tšwelapele ba bolela ntle kua, yo mongwe o tla ka gare, o re, “O thanka seo.” Ga ke thanke seo. Se nagane seo. Seo se a šitiša, le a bona. Bjale elelwang, o ka se kgone go uta dikgopelo tša gago bjale. Ya. Yeo ke nnene. Ya. Nnene.

¹⁶⁴ Mo, o swanetše go dumela, o moreri, mohumagadi wa moreri. Yeo ke nnene, a ga se yona? Go lokile. Sepela, dumela bjale, gomme o tla ba gabotse. Modimo a go šegofatše. E no dumela.

A le a dumela? [Phuthego e re, “Amene.”—Mor.]

¹⁶⁵ Go bjang? Re basetsebane seng sa rena. [Kgaetšedi o re, “Ee.”—Mor.] Ga ke go tsebe. [“Aowa, mohlomphegi.”] Modimo o a go tseba. Ge yeo e le nnene, phagamišetša seatla sa gago godimo gore... O yo moswa kudu go feta ke le. Mohlomongwe mosadi yo a go kopana le Morena wa rena o be a le yo moswa kudu.

¹⁶⁶ Bjale mosadi yo mongwe o eme fa. Yo mongwe ntle kua a dumelago. Šole o dutše thwi fale. O na le bothata ka sefegeng sa gagwe. A yeo ke nnene? O kgwathile kobo ya mang? Ya Gagwe. Go fedile bjale. Jesu Kriste o a go fodiša.

¹⁶⁷ O a swana maabane, lehono, le neng le neng. Bjale mosadi yola o dikgato tše masomepedi go tloga go nna, eupša ga se a nkgwatha. O kgwathile Moprista Mogolo. A ga le bone, ke mo šotologetše, go laetša gore ke Yena Yo a swanago yo a dirilego tshepišo, feelsa go swana lehono.

¹⁶⁸ O tlaišega ka bothata bja megalatšhika, o tšhoga kudu, gagolo thari mantšiboa, o a, ge o lapa le go ngenega. O tšhoga ka kgonthe. Gomme o na le mpholo ka mmeleng wa gago. Ke mpholo ka mading a gago. Eupsa, yeo ke nnene. Gomme ka gona o na le morwalo wa kgonthe bakeng sa yo mongwe go phološwa, a ga o nao? [Kgaetšedi o re, “Ee, mohlomphegi.”—Mor.] Ee, mohlomphegi, yeo ke nnene. A o a dumela bjale? [“Ee.”] Go lokile, sepela. Bjalo ka ge o dumetše, a go be bjalo go wena. Eba le tumelo.

Se belaele. Eba le tumelo ka go Modimo. E no dumela.

¹⁶⁹ Go bjang, mohumagadi? Ke nna mosetsebje go wena, ke a nagana. Ge yeo e le nnene, kafao re iša diatla tša rena godimo, gore ba tla bona. Ga se nke ka tsoge ka mmona ka bophelong bja ka.

¹⁷⁰ “Jesu Kriste wa go swana maabane, lehono, le neng le neng.” A le dumela seo? [Phuthego e re, “Amene.”—Mor.] Ge Morena Jesu a ka botša mosadi yo, thwi mo bjale, se sengwe ka yena, se ke sa tsebego selo ka sona! Gabotse, re basetsebane, rena, o nno ema mo, le a bona. Go lokile, a le tla dumela? [“Amene.”]

¹⁷¹ O ne bothata bja mogodu, bo a go tshwenya, o dutše thwi fao o apere jase ye ntsho. Bo a go tshwenya gonabjale. Ge yeo e le nnene, phagamišetša seatla sa gago godimo. Le a bona? Le a tseba gobaneng? Ke mogodu wa mosadi yo, le ona. Le a bona? Yeo ke nnene.

¹⁷² Le bona mothaladi wo moso o kitimago gare ga bona fao? Ke diabolo. Le a bona? O leka go tloga go bjona, le a bona. A ka se kgone. A ka se kgone go ikuta go tloga go Modimo. Seo ke selo se tee sa nnete. Re ka Bogoneng bja Jesu Kriste. Le swanetše go dumela. Ebang le tumelo.

¹⁷³ O kgwathile eng? Ga se a tsoge a kgwatha nna. Ga ke tsebe monna. Ke mosetsebje go nna. A re basetsebane seng sa rena, mohlomphegi, ga ke go tsebe? Phagamišetša seatla sa gago godimo ge yeo e le nnete. Le a bona? O kgwathile eng? Jesu Kriste. Le se šitwe go bona se sengwe.

¹⁷⁴ Bjale mohumagadi yo mo. Ee. Oo, mohumagadi o apešitše ke moriti. Ke lehu godimo ga gagwe. O tlaišega ka kankere, gomme kankere e ka mogodung gape le ka leleng. Yena, ba sa tšo mo hloboga. O a hwa, ka kankere. Yeo ke therešo, a ga se yona, mohumagadi? Seo ke se o se boditšwego. Bjale lebelela mo. Wena, go na le kholofelo e tee feela a nago le yona, yeo ke Kriste.

¹⁷⁵ A o a ntumela go ba mohlanka wa Gagwe? Se sengwe se swanetše go mpotša seo, a ga se sa? Se sengwe se swanetše. Ga—ga ke, be nka se se tsebe nnamong. Ge ke go botša o mang, a o tla ntumela go ba moprefeta wa Gagwe? A e tla go thuša? E tla dira? Mdi. Crosley. [Kgaetšedi o re, “Oo!”—Mor.] Gona boela gae.

¹⁷⁶ A le a dumela? Ke ba bakae ba lena ba dumelago bjale ka pelo ya lena ka moka? Emang ka maoto a lena gona gomme le e amogele. E nong go emelela thwi, gomme le re, “Ke a dumela.” Phagamišetšang diatla tša lena godimo, mogohle.

¹⁷⁷ Tate wa Legodimong, Leineng la Jesu Kriste, anke diabolo le maatla ohle a gagwe a kgalengwe. Anke Morena Jesu Kriste, Yo a tshepišitšego se bakeng sa letšatši le la mafelelo, Yena o mo bjale. Anke go tle go direga, Morena, mo iring ye, gore batho ba ka se šitwe. Anke ba bone se Modimo a se šikinyago pele ga bona, feela pele mollo o ewa. Anke sehlopha se sa Abraham, Peu ye ya bogoši ya Abraham, e kwešiše iri ye re phelago ka go yona! O Jesu, Morwa wa Modimo, kgwatha motho yo mongwe le yo mongwe a babjago ka mo. Ba fodiše, Morena. Anke tumelo ya bona e lemoge gore ba eme ka Bogoneng bja Modimo yo a ba pholositšego gomme o tla ba ahlola ka Letšatšing lela. Anke Maatla a Gagwe a wele godimo ga bona bjale, le go fodiša yo mongwe le yo mongwe yo a lego ka go Bogona Kgethwa. 

BAHLOMPHEGI, RE DUMA GO BONA JESU NST64-0304
(Sirs, We Would See Jesus)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Matšhe la 4, 1964, ka Soul's Harbor Temple ka Dallas, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org